



Inatsisartunut ilaasortaq, Charlotte Pike, Inuit Ataqtigiit  
/Maani

## ATV-t pillugit § 37 naapertorlugu apeqquteqaammut 2021-115-imut akissut

Asasara Charlotte Pike

25-08-2021  
Suliaq nr.: 2021 - 14820  
Id. nr. 67187233

Inatsisartut suleriaasianni § 37 naapertorlugu ATV-t pillugit Naalakkersuisunut apeqquteqaateqarputit. Apeqqutitit uannit akineqartussatut innersuunneqarput. Apeqqutitit matuma kinguliani ataasiakkaarlugit allanneqarput, akissummillu malitseqarlutik.

Postboks 909  
3900 Nuuk  
Tlf.: (+299) 34 50 00  
E-mail: box909@nanoq.gl  
www.naalakkersuisut.gl

### 1. ATV-inik ingerlatsiniaraanni kørekorteqaqqaarmissaq piumasaqaataasoq sumimmita tunngaveqarpa?

Akissut: ATV-t Kalaallit Nunaanni aqqusinikkut angallannermut inatsimmi ullutsinni malittarisassiuunneqarnikuunngillat. Taamaattumik ATV-nik ingerlatsisinnanermut allagartamut tunngatillugu, biilnik ingerlatsisinnanermut malittarisassat Naalagaaffeqatigiinnermi oqartussaasut naapertortarpaat. Atortut, sukkassusissarlu pillugit traktorinut malittarisassat naapertorneqartarput.

### 2. Ittoqqortoormiini Qaanaami nunaqarfinnilu aqqusinerni asfaltlersugaanngitsuni ATV-inik ingerlaneq kørekorteqarfiujunnaarsillugu pisoqassappat piumasaqaatit suut allanngortinneqassappat?

Akissut: Aqqusinikkut angallannermut inatsimmut akisussaaffik tiguneqarnikuunngimmat, aqqusinikkut angallannermut inatsit naalagaffiup akisussaaffigaa.

Aqqusinikkut angallannermut inatsisip allanngortinneqarnissaanik kissaat Naalakkersuisunit saqqummiunneqassaaq. Tamatuma kingorna Inatsisartut aalajangiinermikkut siunnersuummut isummersinnaanissaat sioqqullugu, inatsisiliornermi teknikkikkut suliasartai Justitsministeriaqarfiup suliarissavai.

ATV-nik angallannermut tunngatillugu malittarisassat allanngortinneqarnissaat siunertaralugu, Naalakkersuisut Naalagaaffeqatigiinnermi oqartussaasut oqaloqatigalugit aallartereerpaat. Aqqusinikkut angallannermi isumannaassusermut malittarisassat iluaqutaassapput, soorlutaaq illoqarfinni nunaqarfinnilu inuttaasut tassuunakkut eqqarsaatigineqassasut. Najugaqarfinni minnerni kørekortitaarniarneq ajunakusoorsinnaasoq Naalakkersuisut ilisimaaraat. Tamatumunnga aaqqiissutissarsiorlugu sulissutigineqarpoq.

### 3. Naalakkersuisut inatsimmut allannguinissamut piviusunngortitserusuppat?

Akissut: 2-mut akissut takuuk.

**4. Naalackersuisut inatsimmut massakut atuuttumut inuiaqatigiit qanoq inissisimanersut misissuikuuppat?**

Akissut: ATV-nut tunngatillugu malittarisassat allanngortinneqarnissaannik kissaateqarlutik saaffiginnissutinik Ineqarnermut, Attaveqaasersuutitut, Naligiissitaanermullu Naalackersuisoqarfik piffissap sivisuup ingerlanerani tigusinikuuvoq. Apeqqut 3-mut akissutigineqartut, inatsisip allanngortinnissaanut suliaq aallartinneqareerpoq.

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga

*Naaja H. Nathanielsen*

Naaja H. Nathanielsen